



Me nyuam cov chaw nyob txhawb tau cov kev pab cuam thaum yau

(Natural Environments Support Early Intervention Services - Hmong version)

Txhua tus me nyuam tseem yau yuav loj hlob zoo thaum lawv nyob hauv cov chaw lawv swm thiab nrog cov neeg hlob lawv thiab cov khoom lawv nyiam heev. Rau txhua tus me nyuam muaj qhov tsis taus, cov chaw sov siab ntawd yog ib feem tseem ceeb ntawm lawv cov kev pab cuam thaum yau. Cov chaw no hu ua “me nyuam cov chaw nyob (natural environments)” cov chaw uas cov me nyuam muaj cuab kav sim tau cov tswv yim tshiab thiab tau txais cov txiaj ntsim puv ntoob los ntawm kws txuj cov kev pab cuam thaum yau.

Me nyuam cov chaw nyob tsis tag rau cov tib neeg, cov chaw, thiab cov khoom siv xwb. Cov chaw no tseem yog ib feem tseem ceeb ntawm koj tus me nyuam txoj cai tau cov kev pab cuam hauv kev kawm ntawv tshwj xeeb ua ke rau thaum yau raws li hais nyob hauv Tshooj C ntawm tseem fww tsab cai kawm ntawv ntawm cov tib neeg muaj qhov tsis taus [the federal Individuals with Disabilities Education Act (IDEA)].

Coob tus niam txiv xav tias me nyuam cov chaw nyob no yog dab tsi, cov chaw no muaj cuab kav pab tau lawv tus me nyuam li cas, thiab cov niam txiv ua tau dab tsi los pab. Nov yog cov lus teb rau cov lus nug muaj tas li.

Me nyuam cov chaw nyob (natural environment) yog dab tsi?

Me nyuam ib qho chaw nyob yog ib qhov chaw tus me nyuam thiab tsev neeg nyob, kawm, thiab ua si. Me nyuam qhov chaw nyob yog:

- *Tej chaw*, xws li koj lub tsev, qab tsib taug, los yog ib qhov chaw ua hauj lwm. Tej chaw no tseem yog qhov chaw zov me nyuam, tus txheeb ze lub tsev, chaw ua si, chaw muag khoom noj, los yog tsev saib ntawv.
- *Cov khoov siv*, uas yuav yog cov nrhiav pom nyob ntawm koj tus me nyuam qhov chaw dhia ua si xws li cov khoom ua si, cov pob zeb, cov phau ntawv, cov viav vias, cov nyom, cov diav, lub rooj zaum siab, los yog me nyuam lub tsheb rub xis siab (favorite wagon).
- *Tib neeg*, xws li niam thiab txiv, cov nkauj uam raug nus, cov kwv tij, cov phooj ywg, cov nyob ze, cov kws qhia ntawv, los yog lwm tus uas tej zaum tus me nyuam yuav tau nrog.
- *Cov dej num* uas txhawb kom muaj cov kev txaus siab thiab qhov ua tas li ntawm koj tus me nyuam thiab tsev neeg. Tej no yuav yog cov dej num ua txhua hnuv xws li noj mov, da dej, thiab hnav ris tsho; kev ua si lom zem xws li ua si, nyeem ntawv, taug kev, pw hav zoov, ua luam dej, thiab mus rau qhov chaw ua si; thiab kev koom tes nrog zej zog xws li mus teev ntuj, noj peb caug, mus saib kev ua dab ua qhua, mus yuav khoom noj, thiab mus caij ub caij no.

Yog vim licas me nyuam cov chaw nyob thiaj tseem ceeb?

Me nyuam cov chaw nyob muab tau lub caij txhua hnuv txhua lub sij hawm rau koj tus me nyuam tau koom nrog lwm tus thiab kawm tau cov tswv yim tshiab. Qhov ntawd tseem ceeb heev vim yog thaum cov me nyuam tau nqis tes ua tej yam thiab ua si nrog cov khoom uas lawv txaus siab rau, lawv yuav kawm tau zoo tshaj. Me nyuam cov chaw nyob pab tau koj tus me nyuam xyaum tau tsev neeg thiab cov luaj li nws cov cwj pwm thiab cov tswv yim. Cov chaw no tseem yuav muab tau kev kab ntsab rau koj tus me nyuam thiab tsev neeg los sim cov tswv yim tshiab seb cov twg yog cov siv tau thiab siv tsis tau.

Tsab cai twg hais txhawb me nyuam cov chaw nyob?

Lub tswv yim ntawm qhov siv me nyuam cov chaw nyob yog los ntawm Tshooj C ntawm tsab cai kawm ntawv ntawm cov tib neeg muaj qhov tsis taus (Part C of IDEA). Tsab cai no hais tias:

- “Cov kev pab cuam thaum yau yuav tsum muab tuaj rau hauv me nyuam cov chaw nyob, uas yog lub vaj lub tsev thiab zej zog tej chaw uas cov me nyuam tsis muaj qhov tsis taus mus koom, kom ntau li yuav ua tau.” Hais nyob hauv phaj (Sec.303.12)
- “[Me nyuam cov chaw nyob yog] tej chaw yeej txawm muaj los yog muaj rau cov me nyuam luaj li nws uas tsis muaj qhov tsis taus.” Hais nyob hauv phaj (Sec.303.18)

Cov xeev yuav tsum muaj cov cai los piav meej pem tias thaum twg thiaj tsis muab cov kev pab tuaj rau ib tug me nyuam nyob hauv me nyuam cov chaw nyob no. Qhov ua tau ces tsuas yog thaum yuav ua tsis tau raws li cov hom phiaj pab cuam thaum yau nyob hauv tej chaw no lawm xwb.

Cov niam txiv thiab pab neeg npaj cov kev pab rau ib tsev neeg twg (IFSP team) yuav tau lis tes dej num dab tsi?

Raws li txoj kev npaj kom muaj cov kev pab rau ib tsev neeg twg, pab neeg no yuav tsum muab cov kev pab ib tug twg los pab kom tau raws li qhov koj tsev neeg thiab koj tus me nyuam muaj qhov tsis taus xav tau. Kev txiav txim siab tias cov kev pab twg yuav tsum muaj thiab yuav muab tuaj rau qhov twg yog ib tes dej num tseem ceeb ntawm pab neeg no uas yog muaj cov niam txiv nrog.

Tam li ib leej niam leej txiv thiab ib tug ntawm pab neeg no, pab no yuav hais kom koj txheeb xyuas me nyuam cov chaw nyob rau koj tus me nyuam. Tej zaum pab neeg no yuav pab koj mus ncig xyuas me nyuam lwm cov chaw nyob hauv koj lub zej zog los tau tib yam nkaus.

Xav paub ntxiv

Xav paub ntxiv txog me nyuam cov chaw nyob, mus saib koom haum Pacer tsab ntawv xov xwm hais tawm hu ua “Early Childhood Connection (Nrhiav kev pab kom ntxov rau thaum yau)”. Tsab ntawv no sau tawm rau cov tsev neeg nyob hauv xeev Minnesota uas muaj cov me nyuam yaus muaj qhov tsis taus. Tsab ntawv no muaj nyob online hauv [PACER.org/newsletters/ec/summer08.pdf](https://www.pacer.org/newsletters/ec/summer08.pdf)